

建置志四

壇廟一 祠祀附

漢陽縣

社稷壇在大別山前

探訪 冊

舊在西城外永安橋西

嘉慶志

乾隆三年

知府胡學成知縣沈孟堅移置城北興國寺咸豐二年兵燬七年

知府如山改建東門外同治三年復遷今址

探訪 冊

先農壇舊在西關外雍正四年建

嘉慶志

今移建鐵門關便民倉舊

址

探訪 冊

藉田每歲 額徵穀六石三斗

神祇壇在社稷壇側舊在南紀門外明正德十一年改建西門外

永安橋側清乾隆二年知府胡學成知縣沈孟堅擴修

漢陽府志

乾隆

間水圯嘉慶十七年知縣裘行恕修咸豐二年兵燹後改建今址

漢陽縣志

以上三壇均光緒六年知縣林瑞枝重修

縣志

志二十八

建置四 壇廟

厲壇在大別山南

縣志

關帝廟在府城小校廠同治六年知府鍾謙鈞重建

縣志

別廟一在

西南大江濱一在大別山磨刀石

嘉慶志

文昌廟向建閣鳳棲山後圯移祀府城隍廟內嘉慶間知縣裘行

恕始建廟於晴川書院左咸豐時兵燬同治六年知府鍾謙鈞移

置小校廠

縣志

光緒四年知縣林瑞枝修

探訪 冊

府城隍廟在府治東

嘉慶志 府志

作朝宗門內

明萬曆二十六年知府舒體

震重建康熙二十八年修

乾隆府志

咸豐兵燬同治三年知府鍾謙鈞

修復

探訪 冊

縣城隍廟在縣署東雍正元年知縣蔡甸建

嘉慶志

八蜡廟在西門外永安橋明隆慶二年通判劉汝登建今廢

縣志

龍王廟在南紀門外大江之滸

嘉慶志

江有湫流相傳有龍潛此立

廟祀之志府今廢志縣

龍神祠在南紀門義學舊址乾隆四十四年知縣王嵩高建志縣光

緒四年知縣林瑞枝修探訪

雷祖廟在大別山頂嘉慶志

兩師廟在崔家鋪烏梅山府志

東嶽廟一在蒲潭明知縣邱鳳翔建又洗馬口舊十里鋪長樂坂

文寺山前柏泉崔家鋪九真山前索子河北等處廟凡八皆紳民

建同

劉猛將軍廟在府署東縣志

馬王廟在鳳山門外府志

三官殿在大別山上康熙四年建府志

禹王廟在大別山麓一統志嘉慶志

志二十八

建置四 壇廟

二

宋紹興中司農少卿張

體仁建以益稷配楚寶元大德八年平章答刺罕重建林元有記至

順間立石許有明洪武二十年楚王躬行祭奠縣志天順閒巡撫王

儉重修據沈記增沈欽重修禹廟記云廟祀之設其來尚矣稽

水土萬世蒙澤天下後世得以通祀之功至此而成故歷代報祭自

山得立廟以祀之者以其治水土之功至此而成故歷代報祭自

有不容已也按漢陽郡志廟距府治可二里許江流湍急怪石嶙

峩山名大別與武昌黃鵠山對峙雄踞江之東西勢若龜蛇環衛

廟立於茲蓋不知幾百禩矣至三國時吳魏兵興多戰於此後元

世祖南巡駐蹕黃鵠因詢於父老曰隔江中頭石磯何名呂公或

對曰唐仙人呂純陽吹鐵笛其上因以得名又問唐以前何名復

有對曰世傳大禹治水功成之所後人譌為呂公世祖大悅遞今

有司鼎新廟宇歲時致祭聖朝因之益嚴祀事迺者天順庚辰歲

早巡撫湖廣都憲南宮白公圭率官屬禱於祠下不逾時甘雨大

答神貺未果還朝治今都憲銅梁王公儉復奉勅巡撫湖湘兼理

軍務利興弊革俱得便宜從事至日所司復以為請公諭之日神

有所依則人獲福利何可靳惜公費憚而不為且令促之於時贊

成則有若巡按侍御江公鄭龔公謙而以事委武昌道僉憲沈公

靖董而成之以及藩臬閩帥守令莫不共殫厥誠闢基斷石市材

是年之秋至冬而落成之僉謂不可無述而推余為記乃不辭而

揚言曰仰惟我聖天子續承列聖鴻緒統一寰宇尊禮百神嘉瑞
休徵咸臻迭應帝王秩祀登薦有加况神功巍巍為祀典稱首書
曰禹乘四載隨山刊木導水至於大別西則岷蜀襄沔之合流南
則衡湘洞庭之環匯濬滌排決一順其性之自然以至地乎天成
六府三事允治萬世永賴則聖德神功感人之深垂世之久萬古
猶一日也豈他祀之可擬倫雖然自有此天地即有此山川向使
不有聖王者出任疏鑿之重忘胼胝之勞則九州一壑魚鼈其民
烏在其為化居粒食以有冠裳之盛也耶粵昔劉定公有言美哉
禹功明德遠矣微禹吾其魚乎孟軻氏亦曰禹抑洪水而天下平
則見諸經傳稱頌不置宜乎今茲廟宇之新翼翼宮庭有嚴祀事
神其鑿格陟降左右隆廟享於億萬斯年尚冀自今以始為民牧
者益營益葺克紹前修於以妥靈貺而福國利民於以奠南服而
肅清境土凡所營度奉無不得以蒙麻
於悠久矣茲刻之傳甯有既乎是為記
天啓五年僉事張元芳

升稷竝享左右列八元八愷又附祀周召康公穆公因名禹稷行

宮據張記張元芳禹稷行宮碑記云江漢故古今陝區經神禹

手決而奠乙丑之秋漢陽令王君謁予而言曰大別山舊祠召
畸重不得也歲久就圯春秋登豆亡所託願微靈以鼎新之予曰唯
康公穆公歲久就圯春秋登豆亡所託願微靈以鼎新之予曰唯
唯尋渡江而馮弔焉登大別梯晴川一望龜蛇相對山川繡錯人
煙鱗集洵洋洋大觀也哉類而視之廟貌頽然有愴於中問之曰
禹王宮也隨屏息下拜見巍然在上者惟我神禹夫禹首闢洪荒
平成聿奏萬世實永賴之采江漢之蕝以酬明德殊未足以殫厥

志二十八

建置四 壇廟

三

報也惟是叩之左曰伯益叩之右曰后稷遞而下之拱立如生者
曰八元八愷不具論即益司火政以佐司空功在禹下侍坐宜也
稷何如功而可以侍坐乎哉稷生履上帝之武長播下土之種辨
五方燥溼俾黍稷咸登烝民用是粒食萬世而下罔有轉瘠溝中
與鑿龍門排伊穴脫生民於魚鼈者竝堪不朽此而抑之拱手禹
側稷故未肯降也即臣不佞亦未敢王禹而不禘稷也王禹者以
天下王也禘稷者克配上帝厥後以天下祀也故仲尼曰禹稷躬
稼而有天下明乎以有天下屬稷者禹不獨有也子與氏亦曰禹
思危於民溺者由已溺之稷思天下有饑者由已饑之未見民饑
不危於民溺者則未見救民饑不重於救民溺者禹稷之未見民
輕也彼江漢之氓尸祝之眾食其德思報其功又何以正陪分乎
哉方今淫雨彌春田卒汙萊望之如涿水之不可涯涘愧不得一
由溺者奠之繼而旱魃為虐黍苗立稿農夫將盼盼終歲而不足
以餽其八口愧不得一由饑者粒之絲今之世溯禹稷之功即孔
孟同聲賢之不能既而謂祀可以正陪分臣未之聞也若夫益封
唐康公穆公封燕伯與周公名爵差相等即左右翼之與八元隨
陋規神人所未快也爰鼎新其宮而竝祠之使不得配禹此勝國之
王明府良相率作省成有侯司李加乘而主其議捐微俸以首事
者臣元芳也并得書案府縣新舊志俱作崇禎時事以記文甲
子計之當是清同治三年重建縣志

召康穆二公祠在大別山明巡撫邵陸嘉慶祀周召康公穆公二

公有化江漢功故祀之今祠毀附禹廟致祭府志

吳王廟在城西一里嘉慶志

魯肅祠在漢陽縣北魯山西麓一統志案輿地紀勝引晏公類

引元和志曰上有吳魯肅祠又紀勝魯山下引史本新經云彼在

三代時謂之大別山不知因何又為魯山也豈魯肅廟食於此而

名是久廢康熙元年郡庠吳世調重建府志今復廢縣志

胡公祠祀晉征南大將軍胡奮嘉慶志祠在魯山上一統志引永

從晉武伐吳出夏口蹤迹嘗至此有征南將軍碑輿地紀勝今廢縣志

仁顯廟在九真山相傳為劉伯通不知何代人梁大同中長沙王

祀之元封敷濟仁顯靈祐王下有靈泉早禱輒應明代重建嘉慶志

張王廟在南紀門外祀唐張巡嘉慶志或曰祀張柬之縣志案

漢陽王而功德未及茲土睢陽有保障江淮功江淮以南多祀之

此廟宜為祀巡又藝文載唐皮日休漢陽王故宅詩云碑字依稀

廟已荒猶聞耆舊憶興王園林一半為他主山水虛言是故鄉載

戶野蒿生翠瓦舞樓棲鴿污雕梁格天功業緣何事不得終身比

志二十八

建置四 壇廟

四

霍光是祀東之之說又若可據然攷襄陽舊志襄陽城南三里有

東之故園日休此詩殆為彼而詠故襄陽志載之藝文漢陽既無

宅不當收入

太白祠在治東南郎官湖上一統志舊有亭宋咸淳開學官蕭鑒因

亭廢重建康熙四十五年知府郝士鐸修府志今廢縣志

六先生祠在鳳棲山宋知軍黃幹建初祀宋周程楊朱四先生明

正德元年知府蔡欽重建增祀黃幹游酢嘉慶志陳鳳梧記云

地狹而民貧然先賢名儒往往宦游其邦而流風餘韻有存焉者

若宋游定夫先生以程門高弟嘗知軍事臨政之餘日召羣弟子

講明道德性命之說於是人知好學而有士君子之風其後考亭

高弟勉齋黃先生來守是邦則益推而大之郡舊無城堡力請於

朝寧及達於制司欲築城以備南北之衝其經畫精詳可傳諸久

遠既而歲大饑糴客米發常平以賑之分遣官屬親詣都鄙勞來

備至遠近之民咸歸心焉暇則親詣於庠為諸生講論有孟子要

旨二十條皆示人以為學之關鍵又於鳳棲山為屋以館四方之

士立周程游朱四先生祠以風勵之蓋二程先生家於黃陂與郡

為鄰溯其源則濂溪先生實家營道究其派則考亭先生嘗游石

鼓嶽麓皆湖南之地有不可遺者而定夫先生則所謂常游宦者

也世變既久祠宇蕩然弘治甲子餘姚蔡君欽以工部侍郎來知

郡事又明年為政德丙寅政務就緒乃案圖志求祠故址適在郡
治之後遂復為祠而益以勉齋先生黃幹中立先生楊時名曰六
先生祠丁卯春鳳梧適以巡學至郡晉謁祠宇歎慕者久之嘉蔡
君之畱心風化而諸生之有所瞻依也蔡君因以記為請屬時校
閱方殷未暇緜思己巳秋知縣段欽訓導郝朝元譚文余鴻文炯
輩復申前請鳳梧竊惟孔孟而後斯道失傳者千有餘年至周程
游朱四先生始昌大休明有以續其不傳之緒而楊黃二先生則
嗣程朱之嫡派皆有功於天下萬世不可誣者今四先生已通祀
於天下列於學宮而復有專祠固不為贖若二先生則尚未有以
通祀之典請於朝者此而祀之得非為他日之張本耶近得勉齋
先生文集閒令諸生錄其文移書義有關於是郡者彙成一編名
漢陽政教錄俾藏諸學宮以垂示將來夫記六先生祠而特詳於
勉齋先生者本其所自也若夫希聖希賢
重修 祠左祀宋黃幹游酢今已合於六先生祠
之方則先生之記詳矣諸生其試思之 光緒中邑人張行簡等
探訪冊案府志云敬一亭在學宮啓聖
重修 祠左祀宋黃幹游酢今已合於六先生祠

志二十八

建置四 壇廟

五

人弱冠與兄旺倡舉義旗往歸宗澤尋隸桑仲為副都統制走霍
明破穆楷劉豫嘗貽書招之執其使以聞唐州胡安中孤軍無援
暫附劉豫王又招之來歸是以忠貞所著已足褫姦偽之魄而結
明主之心己已而從岳鄂王入唐州復襄陽諸郡楊再興據武興
又破其眾朱持寇桂陽又遣高仲等擊平之金人渝盟其將劉士
萼屯光化境又被走之論其捍禦之功固韓岳之前鋒亦張楊之
亞匹也王考諱顯忠以精忠傳略為中興名將孫庭芝宋末守揚
州死事尤烈一門三世迭著忠勤南渡河山相為終始則王之承
先啓後忠主庇民者豈不偉哉王中女為光宗后王以椒房之戚
累官太尉致位雍王薨之日帝思其忠不置諭葬漢陽西門外下
蒲潭山建褒忠祠以祀明季及本朝康熙間兩葺之歲久傾圮裔
孫台國邦雄等集其族人釀資修葺甚盛舉也夫建炎名將大抵
生居重鎮死為明神今其禮祀岳氏為盛竊以王之名爵略比忠
武子孫存者無異湯陰今者棧題一新湖山無恙歲時禴祭陟降
於茲以視高孝園陵冬青零落毋亦撫漢南之重鎮動故國之悲
思也乎昉夙欽明德嘉茲義舉於其落成也勉為之記亦表忠之
云意

馮公祠在大別山前祀明巡道馮應京萬曆三十四年京忤稅監

陳奉被逮去士民立祠祀之

宋公祠在舊試院側明季建祀推官宋萬業

縣志 王良相宋公 祠記略宋公諱萬業

號柏亭福建莆田人由甲戌進士萬曆五年補漢陽司李刑
官也刑官屬秋與春歧然易繫噬嗑利艱貞卓陶頌帝德罔愆有
曰好生則知善是官者非武健之為愉快矣公為人端方介潔豈
弟精詳每讞小大獄必以情求生不得方置刑書原情平反存活
甚眾先是漢陽賦役靡定巧免拙應民甚苦之公奉旨清丈歷山
數冒寒暑必躬必親始得則壤定額稅役維均他如輯奸剔蠹種
種善政不能枚舉即明刑均賦真足保赤起瘠深入民肌髓矣暇
則集士講經課藝數年開士勵於行精於業民化其廉敦其俗和
氣盜於上下公陞擢去士民愛慕構祠祀之迨萬曆丙午胞弟諱萬
略號冲區繼為司李其愛民課士一以公是程公之化益增之高
而濬之深說者謂不獨撫民課士一以公是程公之化益增之高
年天子命御史公持斧督湖蜀黔餉蓋為邊儲慮也御史公諱禎
漢號荆璞即公嫡孫也當年懸弧於理署者也因便謁祖祠時父
老正思公不及見御史公猶二公也爭欲識眉宇執受清道者
不能屏環擁羅拜於祠助御史公欲虛流涕者久之因得請曰是
祠也報德也先公之德與吾民之心誼篤不忘吾儕無以報公但
願祠之永永以為將來者勸則吾儕之心可藉不朽而公之德並
不朽矣御史公然其言捐俸三十三金命漢陽令王良相經理祠
祀用以慰父老之心安先靈也遂典湘三里三甲地名祝家坵水
田二石五斗歲除完春秋糧外存稞二十二石用作春秋祀費又
募守祠一人歲與工食四錢入縣冊永勒為額夫二公以兄弟遞
理漢陽政且善矣且竝得民心歌慕樂利於無已御史公誕於斯
今巡歷於斯又拜祖祠而繩其武誠世所希觀者由此而知德可

志二十八

建置四 壇廟

六

漸民即馨可動帝德既洽於郡祥必發於家况由於郡以計及二
公過化之所其休庇貽澤寧有異哉御史公導其德暢其澤即今
糾正朝廷秉軸翊聖以厝斯世於春臺將鴻猷茂烈爨鼎銘之凌
閣圖之公之神蓋如水之汪浸於天下其尸祝又豈儼然漢城已
哉彼三槐之堂于公之門古來左券端不爽矣相明下吏仰止前
修初至於棘院傍已增祠宇之式廓而新之嗣承命又計歲祀就
緒以因刻之石以誌不朽云

何公祠在鍾山之陽明正德十年建祀知府何亮嘉靖開祠圮於

水改祠府學宮之名宦祠 縣志 蔡結記古祀生而有功於民者

其績綽悅戀之懷期以表前徽而垂後鑒如晉羊祜之峴山墜淚
碑至今祠屋嚴然如斯也嗚呼茲豈易譚哉何公諱亮字文明東
山其別號世為山東登州衛人舉弘治間進士知廣宗咸甯二縣
異等召補戶科給事中諸所建白皆不避權貴刻有後湖奏議行
於世毅皇帝南狩公三疏留之又疏逆瑾不法事俱不報以常調
出知漢陽府邁大早殍者枕藉公精誠步禱於城隍祠屬吏為之感
潭得大霽民喜逾更生朔望以清約矢於城隍祠屬吏為之感
偶流賊薄城下漢陽城卑兵寡公登陴死守民爭效力咸有戰氣
婦女皆無恐賊環攻三日不能陷公遂以勞瘁寢疾屬續之先日
蒸香告天告先人 即將諫草併守漢文移及門聯置諸懷日將
以聞上帝庶幾耐吾志耳卒之日門胥市豎見公緋衣乘軒入城
隍祠迹之無所有相傳有公為城隍白日升天之謠正人歿而為

神理可信矣事在正德九年三月七日公年僅四十有七耳蒞任不及瓜厝注俱大治民意大要在於德化無取操切揮霍之能救荒存活者無量平賦清刑芟梗植良勸學興禮與民無訟而博大爾雅尤精古文蜀郡劉弘農孟雲中之儷也歿之明年父老祠公於郡城鍾山之陽伏臘忌辰則礫彘崇酒而祀之嘉靖庚辰江漲祠沒於水兩岸士以父老意諮於當途祠公郡膠之名宦去公已時百餘年人心如一日可以信公矣今年公之仲孫熹為常德郡丞以考績來也鄂礪石而請於郡守浙江司馬公郡梓玉田夏公郡理遂安毛公邑侯來豐管晉定安公屬余文以延不朽余曰召棠萊竹君子所偶憇而當時民尚不忍剪伐况見公之仲孫乎郡丞佐常有愛徵清風襲鄰壤益信善類有後云敬檢郡乘述公蹟以應郡人之請且為之贊贊曰於惟何公漢之遺良歷歲滋久厥澤彌光巋巋大別湯湯漢江民之思公岡峙水長生為英豪歿為靈神繁禧純椒永錫我民宮牆屹如俎豆為馨朱旛五馬其公之臨

昭忠祠在城內小校廠關帝廟後嘉慶八年奉勅建嘉慶志同治六年知府鍾謙鈞重建合祀嘉慶咸豐閒殉節陣亡者文職知府董

振鐸以下三人武職遊擊李信以下二人兵丁倪綱以下二百十

八人縣志

志二十八

建置四 壇廟

忠節祠在城內試院東首光緒元年知府嚴昉知縣濮文昶建祀

軍興以來官吏士卒及婦女死難者萬餘人採訪冊 張行簡忠節祠記略 咸豐壬子

積寇擾漢陽郡邑往還蹂躪者十餘年一時死事之官吏與戰沒之士卒殉難之男女獲與旌卹祠祀者蓋以一萬餘計府城昭忠舊祠規模陔隘無以躋厘主抑亦祀典之闕也滇南嚴公泣守是邦慨然以營建為任謀之邑合溧水濮公詣相祠旁得曠地二十餘步表倍之樹幹屯材鳩工為祠三楹中楹一室南向版祀官吏東西楹各二室相向以士民祠西屬移閣是為忠節祠門東巨步廊以達於舊祠易額節烈合祀官民之殉難眷屬如昭忠制其例不設版致祭者分鐫諸廊壁題名以官爵尊卑等則以死事先後次自國初迄今無遺無濫盛舉也烏序漢郡襟江漢匯流經途入達炎漢前無考已逮魏吳抗衡南北紛爭之際迭為戰場唐宋則朱彙揚么元則徐壽輝陳友諒明則劉六周清張獻忠輩剽掠出沒以肆其虐劉世愈近禍愈烈自咸豐間赭寇之亂蓋其形勢衝阨然也斯役也以春季經始冬仲落成糜金錢三十億有奇醮之漢上貨塵工既竣請於大府季予香帛歲予修葺而祠祀益永矣董其事則宋梅學博王粹忠茂才例得並書

夏口廳

社稷壇

先農壇

神祇壇均未建

關帝廟在

五顯廟在居仁坊

東嶽廟在

明檢事曾庭芝倡眾修

水府廟在由義坊

老官廟在由義坊明嘉靖六年建天啓元年修

天符廟在大智坊明萬曆四十年建

四官殿在大智坊順治四年邑人瞿恆岳等建康熙六年重建

府志

熊伯龍記五行皆生人之資獨火烈民望而畏之蓋有神焉不可度思矣苟祝融煽禍而當事漫不經心吉凶同患之謂何何變理之爲也楚介南服火德居望而漢鎮又適當五達之衢黔廬藉壁何時蔑有人共知其爲竹籬茅舍之所致而終莫敢有建議毀易者蓋凡民可與樂成而難於慮始自非有實心任事之監司主持其上奉行唯謹之守令勸勉於下求其能任勞任怨也夏夏難

志二十八

建置四 壇廟

八

之天佑南國萃此吉人方伯劉公臬司陳公監司饒公王公朱公及都閩錢公商同我守憲程公毅然下誅茅之禁檄行郡縣易以巖壁維時太守楊公邑侯侯公實左右之下逮縣尉李君鎮司王君亦駿奔恐後旬月之內向之黃牙白尾一望而百堵皆興苟非循良素著何以得此於民哉乃公等猶謂人事之日盡未必天數之常亨敬請祝融爲民請命爰是步自江濱見有四官之舊廟在輾然喜曰有是哉江漢合抱灑沈淡災此真水火既濟之鄉神靈憑依之所乎各捐俸金若干竝及本郡紳衿商民量力仗助革故鼎新而廟貌由是改觀矣乃或者不察徒以泛泛祈禳視之不已過與夫許不弔災君子惡之謂其不近於仁耳他若反風滅火事涉不經者皆吾儒所不道曾大君子而出此乎春秋書昭公十七年有星孛於大辰及漢梓慎知其將火鄭裨竈又謂能弭火不用吾言將復火乃國僑卒不用竈言而亦不火非修德而災不能侵之明驗耶今乃以天道杳茫之故徒乞靈於土木莊嚴之相予固知公等之必不出此也蓋公等意念深矣誅茅之禁既有以盡人事之當然廟貌之新又有以回天意之或然且以示後之接踵蒞茲土者瞻宮廟之嵯峨發晨鐘之猛省入廟思敬固卽熒惑退舍之大本云

漢川縣

社稷壇在西關外伏龍山尾舊在縣治北雍正十年改建今址

漢川

縣志

先農壇在東北郊臺閣右雍正五年建縣志籍田每歲額徵穀六石三斗

神祇壇舊在縣南明萬曆間知縣桂生枝移置厲壇東側雍正十年復遷於西郊縣志

零祭壇舊在縣南今附社稷壇致祀縣志

厲壇在北關外同上

關帝廟在縣署東北廣福寺左縣志

別廟四一在南關外一在縣學

東一在戊子圻一在劉家壩嘉慶志漢陽府縣志同又康熙府志亦作縣治北七里一作縣西周陂

鄉縣志一作二鋪街一作小里潭皆別廟

文昌閣舊在城外東北濱漢江嘉慶志縣志云東關外明嘉靖間建萬曆十年知縣詹天倫修三十六年重修道光十一年圯於水二十五年修復二十八年復圯今在學宮左致祭縣志

城隍廟在城二鋪街嘉慶志明洪武間建縣志云在學宮之西正德

五年知縣江淮修乾隆間重修咸豐四年前殿燬於兵縣志

東嶽廟有五一在縣志西伏龍山明洪武間建萬曆十七年修康熙

志二十八

建置四 壇廟

九

府志作萬曆二十年張志道修林大德有記碑佚通志咸豐四年燬於寇同治八年移建東郊文昌閣故址一在雞鳴鄉南湖院一在縣西周陂鄉

一在縣南梅城鄉南河渡山後一在劉家隔縣志案府志廟不加多而地名各異者

三一在縣治北明隆慶年建康熙四年修一在小里潭明嘉靖年建崇禎十五年修一在治一里均萬曆年建

令尹子文廟在縣西二里嘉慶志姚公山下一作南湖院咸豐十年總督

官文巡撫胡林翼重建於墓南奏准歲時致祭縣志

廣威將軍廟在縣東四十里嘉慶志案輿地紀勝作四十五里梅城甌山祀晉朱

伺山下有伺墓縣志伺初平蜀有功後與杜曾相拒卒葬於此輿地紀勝

城隍廟在長城鄉明天啓間建縣志

太子廟在縣南五十五里卜審山上祀梁簡文帝太子禱雨輒應縣志

水府廟在東關外臨河祀蕭公嘉慶志久圯咸豐間重建縣志

昌公祠在縣東漢水上祀明知縣昌應會應會有善政為中官讒

去民思之為立祠嘉慶志明尹大本記云川故雲夢地也江漢

者各居半焉恆雨則下濕病差旱則高阜病歲不能以常稔也越
庚申辛酉地於墊而壬戌暎旱百穀鮮登侯以是秋九月至棗疆
日民病極矣承乏如之何蚤夜以思就其鉅且急者而汲汲焉之
所適雷都綱運趣發里胥告匱至舉貨產莫之售日成用榜答終
罔攸濟乃下合閭右之率義者便宜勸貸而復捐金以先之不涉
月日宿逋畢償會景藩得請推民川澤之淤壞調取其羨而巳然
川澤淤而成壞魚不得畜而賦載赤曆額輸戶工二部者責之壞
地猶通以年積拷禁瘠死不可勝紀而推使之虐窮蒐汙萊之外
悉計畝而概加之算守土者不與聞焉是故賦額浮於其舊不啻
數十倍視之豈縣為尤既而督賦使來案圖取盈而謹呼而繫繫
淫刑以逞慘於噬齧其力詘莫能應者謀及轉徙寧自經溝瀆而
不知悔俟日政在安民境內顛躓若此奚有於官矢以禍福自任
語使恤下緩刑而義形於色不但以去就爭使因恐之日民所愛
也賦所重也重所愛而緩其力匍匐償不足繼以稱貸稱貸不足繼
以市鬻日有所輪皆不能以如數報盈也一日使持贖來展省未
竟忽大風撼樹火起飛然民屋日弗閱於天咎在政也且拜且泣
徒步往救不數撲而滅明日郭外警報有暴寇至日弗恤於人咎

志二十八

建置四壇廟

十

在躬也犯我廩藏將不知其所終奮不顧身倡邑中勇敢追奔巨
澤之勇手刃劫寇一人而還誤中流矢幾於不起士民修禱之衷
有如子弟之可及於父兄者上嘉捍禦之勞有日豈從井以救人
非時輩之可及於父兄者上嘉捍禦之勞有日豈從井以救人
以優之也創愈視事使益忌之曰賦之後時罪在賦額多所改朝
下部院勒臬司平讞之侯率速治之眾嗚咽求理賦額多所改朝
齒無憾去雷弗計也然政有未臻於理者不敢諉愛詔多士曰廟
學村賢所關卜吉仍舊址之陽請之當塗厥有成就其改作移徙
之需有先日議助羨金者存不必取之當塗厥有成就其改作移徙
而工訖責之胥吏者曰茲版籍更編之期多影射為奸愚給於智
弱陵於強率此之由乃參伍其弊取而釐正丁畝之欺者無慮數
百戶故事縣驛供億官程而責之民或中人百金之產蕩如一朝
民之困也久矣更而張之夫何俟乎乃酌為官司出納之條縷析
不遺請之兩院諸司咸允其議而嚴為之合民稱便焉頃有涇之
逐寇來窺桴鼓成嚴嘯聚羣醜約四百有奇去縣僅三舍許居人
劫於殺膠之酷公行入市不敢問此其變之伏也候聞之日川難
未歇變將滋矣手狀告警於上檄兵環捕渠首就擒餘醜始潰而
井里晏然踰月部檄至戒行有日人士相與走告日侯之未泄四
歸耶乃謀立祠肖像以志去思而屬予為之記予惟君子之政導
利而布之曰惠惠之未能何有於思思之未能何有於祠嘗聞
子產從鄭國之政一年而輿人毀之不改於其心也侯以用世之才
至欲為之嗣祠者祠也思而祠之不改於其心也侯以用世之才

小試一邑其諸廉守稱介聽訟稱平斷決稱敏無以議為也乃若盤錯之遇周旋其間而以道徇身瀕於危而不棄雖去之日不敢以秦越視其民焉斯君子之政而惠之所以為大也祠而祀之夫何後於子產之嗣之者乎僉曰然遂以之書諸石侯閩人庚子鄉舉字廷英應會其名云

桂侯祠在學宮戟門內祀明知縣桂生枝

縣志祠碑略曰夫祀祠祀之於宮牆之內則又重之重矣我桂仁侯九位以國朝名世借寇漢邑事未彌月百廢俱興所重尤在學校一日謁大成殿見聖靈露處隨詣明倫堂見諸生露立惻然有動於中因歎曰此有司之過也遂朝夕籌思謀所以興廟舍俱築基新造煥然改觀又以義助不期月而殿門堂廡名賢祠舍俱築新造煥然改觀又以歲際賓興會試諸生文藝每朔望必撥冗論書傳示心印諸生感奮自修識者謂文廟興文運振此邑人士千載一時之嘉會也無何忌者譖且中我仁侯輒飄然高尚蓋超世之士原芥視軒冕矧無端而遭物議即攀轅臥轍能挽其去志乎諸生且忿且泣痛思不已旋合力建祠於戟門中塑像豎碑備春秋崇祀報殊功以昭合德或者曰侯功德於世足矣何獨祠專祀為諸生曰不然往學地為勢家所侵自侯注意修造則侵地不爭而服往學向文不迎文宿自侯精鑑獨裁則文宿修蟠拱環列往基地卑溼無級自侯指示修築燠則堂庶峻聳軒豁任修理一仍舊貫自侯更制鼎建則內外輝煌燠則堂庶峻聳軒豁任修理一仍舊貫自侯更制鼎建則使生遊孔子之門必在七十子之列匪獨祠專祀何能報稱萬一

志二十八

建置四 壇廟

十一

雖然此特治行之一端耳邑孔道六出歲連水災逋負盈籍盜賊遍野民勞苦困瘠不堪命侯御之一一有則催科寓撫字民盡樂輸盜賊密防閑民皆安枕其他綱舉目張上恬下熙無容更僕數以故邑之士民德侯愛侯重侯畏侯不忍舍去侯侯之行也士民之呼天而號泣者不啻失慈父母焉此豈貌取聲襲哉而竟以讒鑠去蒼蒼有靈鑒侯忠耿大昌厥後則漢之民尚獲復蒙恩庇也謹志

周學博祠在學宮戟門內祀明學博周化

縣志祠碑略曰此邑也先生者何祠邑學宮祀做若而年蕪亂不治未有甚於此時者也而當事者不一動念一二博士官益唯唯否否否之無可奈何而已嗟嗟此桂侯暨先生所由見德於士人而兩公生祠所由建也士人之詞曰吾儕小人也憤學宮之壞而莫之省憂也匪桂侯則無今日是樂存而竝裡之敢仍乞一言記其事余聞而勞之曰諸士之意我知之也往者督學竇公加意恢復學地則有祠茲桂侯與先生加意新理學宮則有祠然則學宮根本善地上之人惟無加意者耳誰謂諸生漠然不知為報也余竊思之為竇桂二公易為先生難兩公權柄在握可以揮霍如意先生一博士官爾跼踖冷墮思有所為以自表見難也聞學宮故地暨舊納穀士田相緣湮沒不復知為學中物欲一也計其事而董正之能無犯眾軋乎益難之難矣乃余所難者先生一也計其事而董正之能無犯眾淵源當時諸名公又多負笈出門下是博士官不足重先生而先

生第借博士官以行其志甫下車以興起斯文為己任修舉廢墜
培植善良隨事所當為與夫分所得為者展布揮霍無不如意人
人稱得先生晚惟是殿堂門廡之煥然一新也形勢基址之文宿
環拱也與夫清復各侵地之不少假借也雖持有桂侯尤恃有先
生先生不言誰則一言者非先生言諸生言亦無所用是以奏記上
官緩頰合君先生一言當諸子弟百千言而先生不計早暮不擇
鉅細不避勞怨閱皇皇無不懽然任之豈直不足難先生而先
生恢恢乎游刃有餘地則學宮之有今日也諸生以爲匪桂侯與
不朽矣先生諱化號蒼麓為應城北鄉人祠三楹在儀門東與桂
侯祠左右相望先生今擢上蔡合行矣而諸弟子過先生祠則先
生儼然臨也茲役也可勵不事事者而且以風後之能事其事者
余故樂記之

林侯祠祀明知縣林堪明萬曆十一年推官宋萬業重修

記增 謹案張記但紀立石事篇中無所謂建祠者而篇末云萬
曆十一年秋本府推官宋萬業重修其廟則當時必已立祠故據
已補人記略曰舊侯林公以成化丁未來宰是邑政流民孚聞於
朝擢太僕丞以去邑人如失父母為立懷德碑正德壬申公以曲
靖守忤闈宦歸過夏口邑人無長幼幸其復來爭以壺漿迎蓋有
昔人見司馬公之風攀留數月公以行告邑人曰吾何幸見公何
不幸公去吾之速也復立去思碑繼懷德碑邑人以冕知公深嘗
爲之文嗚呼今合之貪刻者民方苦其來而樂其去也庸眾者其

志二十八

建置四 壇廟

三

來不喜而其去不以爲悲也不喜其來而去不思無可思之實也
公去而思復來而喜喜未幾而思繼焉公其賢矣哉昔東人思周
公而作九罭南人思召伯而賦甘棠後世鮮有繼美者公離漢二
十年民之少者壯壯者老胡猶思之不置與蓋晚近以來學頹風
靡而吾侯謹庠序養士氣可思也平原荒蕪饑饉死徙而來學頹
上勸農可思也弱肉強食獄訟繁興而吾侯除暴安良夜不閉戶可思也
可思也盜賊肆行人莫知禦而吾侯使均平迎送有節可思也侯之政
丁夫差遣水陸交病而吾侯之澤在子孫固無以碑爲然民思公之
在吾邑侯之名在天下侯之澤在子孫固無以碑爲然民思公之
深非碑無託故惟伐石紀思樹之通衢以踵周召之躅俾公後合
者聞公風亦有所興起於萬一也公諱堪字舜卿莆田
進士萬曆十一年秋本府推官宋萬業重修其廟

寶公祠在學宮左

其言果驗乃復徙還故地先是徙西北陰陽家以爲西北善氣不如北歲久
且立誰復立者遂利其地可樹可植可卜可築積久而洋池射圃
社學賢街盡爲其所割據及徙還諸生或以爲請當事者率若罔
聞庚子復請於中丞支公言稍激中丞欲危諸生賴兵巡馮公力
爲辭始得解於大司馬趙公檄下郡邑則司理吳公力肩之得盡復
力復之請於大司馬趙公檄下郡邑則司理吳公力肩之得盡復
所謂泮池射圃社學賢街故城邑諸生以爲非公不逮此咸謀立
公生祠於學宮左歲時伏臘奉俎豆焉夫國家廢興沿革不一其
後復後者以非其任而聽之當局者以非其急而聽之前後
後復後者以非其任而聽之當局者以非其急而聽之前後

風俗厚薄於是焉判井里淑慝於是焉分世運敦龐於是焉定此而漫不加意其將何以爲治何前之人多汶汶也彈丸之邑能有幾善地而不待反蠶食之家能有幾良心而不須反其侵地又非奪彼以與此夫亦何憚而不爲無如支公勢得爲而格於心馮公力能爲而格於勢諸生以爲非公不逮此信然哉在祀典以德則報以功則報公之此舉德不可謂不厚功不可謂不鉅矣其祠而祀之也固宜爰謹書其顯未勒於石以垂不朽公吳之合肥人字淮南諱子爾登壬辰翁正春榜進士

孝感縣

社稷壇在北門外

孝感縣志

先農壇在城東

縣志

籍田每歲額徵穀七石二斗

神祇壇在城東南

縣志

厲壇在社稷壇內

同上

關帝廟在縣西

嘉慶志

縣志作城內西河街

文昌閣在小東門外

嘉慶志

明萬曆初建清康熙二十年邑紳嚴正

矩修

據嚴記增

嚴正矩記云蓋吾邑之建有文昌閣也肇自萬曆之初年其建閣之義何居日以培形勝也吾邑來龍自大

志二十八

建置四 壇廟

悟山起頂經雙峯迤邐而西百有餘里過牛脊嶺又四十餘里轉北而南結爲縣治其水自申陽九里關而下爲新店河過小漢營會諸山之水蜿蜒三百餘里至邑治之西入潯河而東注於漢營武至萬曆初二有餘歲登科甲者僅有十三人其聲施顯者僅一二計於時有郡別駕顏公精於堪輿來署邑篆指畫山川日此間形勢可稱名勝而前識不第於其間創建一閣截然東南巽峯未起一筆無以迎受辛水是當於其間創建一閣截然挺出閣之前起一文筆峯庶幾地靈與人傑交相叶也於是萬曆之辛丑大司農傅公岫與而太子太保程公少宰沈公接武繼之嗣是翰銓臺省繩繩相仍登甲第者文章聞望多負盛名而傅程沈三公一時同朝登八座冠蓋相望甲於全楚蓋前此所未有也抑可謂盛矣嗚呼不可謂閣之明效大驗哉詎矣未之歲寇陷邑城僞合盤踞茲土法紀蕩然里中亂民蜂起利其木植之有爭毀斯閣寸椽片瓦無復遺餘而適撫此地者但見一望蒿萊回念昔時松棟雲牖丹楹畫棟已於隔世不可記憶矣然其旺氣所鍾蓄極而發滋昌且熾自聖朝已於隔世不可記憶矣然其旺氣所鍾蓄而大學士熊公昆仲應運而興聯翩館閣擢三十年甲科廿有四人最著者已公何乙丙間突於邑西水滸造一梵刹積歲而林木充斥塞天門辛水之源犯白虎昂首之凶一時中外登仕籍者率多出而不返幸得返亦侘傺無聊以爲耳諸形家聚族而談謂利不遷閣不復無以起做扶衰江河日下莫知所底余聞之慄然以懼計此閣一邑大利害遷利尚易爲力復閣則費不貲然稽於眾有應者余曰是烏可以無應而已乎觀茲一邑之大利害而不爲

之所其何能一朝燕處此也顧予林下日久困於賦役不得已括
節年租入之遺加以拮据遂集匠購材於山逾歲而大木斯得乃
因其舊址芟除榛莽經始於庚申之菊秋工無停晷用無恡費越
辛酉之季春告厥成焉易曰蠱元亨而天下治也先甲三日後甲
三日中則有始天行也辭曰元亨者蓋治而治也先甲三日後甲
治之機先甲後甲者蓋蠱壞之終即開治之始其自新以慎始丁
寧以善終盡人事而應天運庶其有治乎則吾願邑人士父誠其
子兄勉其弟共相勸於學以仁義道德為趨嚮以聖賢為指歸實
大而聲宏不祈名而名自至人文科第之盛視昔有加焉是則余
復閣之志也夫是役也約木植磚瓦灰石釘鐵銅漆顏料價值暨
梓人坊人與募夫工食瑣不具列總計費金千九百兩有奇閣之
原基歐生譽以為伊祖所捐張生悅以為伊祖書院故址是宜並
存以識其善云

鳳橋縣志兵燹頻燬光緒二年知縣蔡炳榮重建一在大東門內鳴

城隍廟在西門內南附郭同建自明宣德三年知縣史摺縣丞盧

清捐修縣志清代有修葺同治六年捻逆來犯神頗著靈異縣志

東嶽廟即天齊宮在治東嘉慶志縣志

火神廟在北門外嘉慶志縣志

龍神祠在武廟內縣志一在龍宮潭上嘉慶志

合尹子文廟在西湖開口西北嘉慶志宋宣和中得九鼎於祠側賜

額曰忠應今入董孝子祠合祀縣志

五顯廟在小東門外縣志作小東門內

董孝子祠在文昌殿西祀漢孝子董永祠舊在北門外明正統中

知縣羅勉建成化間移置文廟東增祀唐忠臣張怵改曰忠孝祠

萬曆中又添祀楚合尹子文明季燬同清順治十七年知縣張擢

士改建於會真觀前張擢士改建祠記云案古圖志潯固孝子之

祀故慶都祠堯餘姚祠舜會稽祠禹曲阜祠孔鄒祠孟古之聖賢

或以功或以德一行獨至禮祀世其鄉孝感以承名故獨祠承禮

也其祠舊在邑之北郭成化中遷文廟之東入唐張抃合祀故曰

忠孝祠萬曆中又入合尹子文明季燬於盜孝子之神靈無所

寄里人之愛慕亦無所寄子恐其漸久而遂忘之也忝長茲土風

焉以非孝感之所自名也抑孝感雖以承名而孝感之孝子不獨

承也後漢書注江夏郡在雲夢東南而安陸為附郭邑然則漢尚
書令黃香雖古曰安陸其實孝感人又國志註吳司空孟宗江夏
郡之鄆人鄆故孝感地又孝感舊志載句章董黯亦嘗流寓孝感
墓在邑北二十里唐吏部尚書徐浩題其碣曰漢孝子董黯之墓
予故曰還孝子之淵藪也禮皆得祠第今之安陸移在雲夢西北
與孝感各成邑故孝感不祠黃文彊獨取董叔達孟恭武為永廟
祀之配而有明之凡以孝名者悉得列坐兩廡或曰叔達義動人
主語在越書恭武誠感地靈事詳吳志較之永客應自截然而分正
配者何曰邑所自名千秋為烈廟貌茲土主客應自截然而分正
有以史無永名為疑者予曰里巷束修之士前無挽後無推史官
失載者何可勝數即曰織女事幻未足深信然古事之荒唐者多
矣龍何為而負圖龜何為而出洛榮河五老何為而告期疑皆疑
也信皆信也鄉里血氣之雄背教玩刑不可化誨而一語以鬼神
之事輒敬畏愛慕而帖然不敢肆是故以神道設教亦化民善俗
之深心也事有關於教化人有益於風俗即不妨神而明之况乃
小說所記父老所傳由來舊矣不當疑也假令濃之人果能沐浴
董子之風日誦孝經而見諸行事予雖徒步持鉢募建專祠所甘
心焉而况乎取養廉之美建風化之祠豈曰好營建哉非好也永
以為道
教也
體髮膚不敢毀傷孝之始也揚名後世以顯父母孝之終也嗚呼
盡之矣董孝子之奉父於濃也生則備身以養沒則鬻身以葬論
親而屈其所處為極難而其孝為已至邑自孝子出而地以人傳

志二十八

建置四 壇廟

志

美之曰孝昌更之曰孝感顧名思義其為顯揚何如耶清自蒞濃
以來有廢必興獨公祠圯甚修葺未遑適邑人士樂助千緡乃營
治之東購民居改創之凡殿堂門廡黝聖丹舉以法爰立孝子之
神主位居中而以邑乘所在自漢迄今孝子二十四人陪祀左右
且仍舊制設忠應昭烈二祠於旁室忠應者以西湖開令尹祠側
掘得九鼎故傾廢日久遺址杳然昭烈祠舊祀唐忠臣於西城外
里許其額垣斷礪猶有存者遂移置於茲用茲考據夫固無微不
顯竝得求忠臣於孝子之門矣今則入其門肅然起敬登其堂灑
然動容百世之下莫不興起詩曰孝子不匱永錫爾類其是之謂
乎是祠經始於道光十五年十月越二月成其經理區畫則方伯
屠公之申贊勤則職員王有渠郭椒馨屠之翰王兆億
蕭天賜嚴國樞生員胡煥魏文徽陳鳳藻汪兆桂也 咸豐兵燹
後祠前寶興館圯光緒五年知縣孫傳慈捐廉修復 俱同上

張昭烈廟在縣西 嘉慶 湖橋開口今廢入祀孝子祠內別廟在縣

北五十里牛跡山明弘治閒教諭江本潮建 縣志

二程祠在東嶽廟西祀宋明道伊川二公嘗讀書於此故祀之 嘉慶

祠燬於明季清順治十八年知縣張擢士重建 縣志 張擢士

祠明道伊川二夫子也二夫子之父曰大中大夫珣珣之父曰黃
陂合遙遙令黃陂時娶於孝感張氏是生大中以大中貴張贈孝

感縣太君榮所產也遙之卒於西陵也家人未克北歸以故孝感
有二夫子讀書處今程子臺蓋其地也厥後返洛而其裔孫有以
孝感為張太君所產之鄉特自英山來徙雲初繁衍麟鳳輩出蔚
為賢裔不啻顏孟之表鄒魯先明有二程祠在邑東郭萬曆中錢
塘葛公寅亮督楚北學政行部德安下教修葺而署程氏之當戶
者一人為侍祠生奉祀事崇禎末祠燬於兵余手披舊圖躬訪遺
址茂營宿莽一望蕩然想像明禋悽愴而已雖然二夫子配饗學
宮千秋為烈區區祀之與廢何足為有無願既有其舉之矣今
夫先賢先儒之列坐配殿者任指一木主焉遙想而心存之皆足
動人慨慕然而世之相去也或周秦漢唐之遠地之相距也或南
海北海之遙所為慨且慕者不過誦其詩讀其書焉已耳若夫藏
修息游之所垂留遺人故老之所稱說服習遺訓披拂流風固未
有如濃人之於二程之親且切者即其所游所寓之地而興見羹
見牆之懷則專祠獨祀又烏能已明道北返之後亦嘗曰吾夢寐
猶在西北夫既夢寐在西陵其能忘我濃上乎余令濃三載百廢
粗興乃以辛丑之九月丁酉告吉庀工捐俸攄材訖用竣事雖不
敢侈丹楹棖題之盛而妥侑之有其地瞻禮之意於不衰揆之於禮
學於式之志而且以慰二夫子瞻顧舊遊之意於不衰揆之於禮
其亦弗畔矣自今還人之教於斯顏曾思孟相傳之心法而於以奉
地以求其所修之業因以上探顏曾思孟相傳之心法而於以奉
若宣尼之微言緒論無或悖焉則夫還人土之造就從
此優入聖域無難矣後之君子其尙嗣而無替也哉

列侯遺愛祠在西湖橋西祀明知縣陳輅郭斗雷鳴春劉崑袁光

志二十八

建置四 壇廟

六

字縣志

蔣公祠在憲司行署左祀明知縣蔣以化縣志 以上二祠今俱廢

大義祠在白雲山祀明季禦寇死難士民道光二十七年邑生員

聶潤甲倡建縣志 沈用增記白雲山為古避兵地明季盜起參

上邑志所云大義營是也山有廟一區舊塑婁九神道光甲辰春
里人葺新之後增二字於殿左落成之日邑諸生聶潤甲諗於眾
曰山之養奧九神者不知幾何年所矣神之靈徵異驗里中婦賢
能言之而大義禦寇諸公距今近二百年無有知其姓氏爵位攻
守戰死之狀者甚非崇德報功捍患則祀之義也案志崇禎癸未
春闔賊陷德安邑城不守貢士萬以忠等督義勇保白雲賊來犯
輒敗之既遣僞將賀一龍環攻三晝夜壯士况思聖等百餘人奮
勇苦戰挫其鋒賊至圓潭吏部率案人襲敗之七月朔僞將白旺
十萬眾抵山下吏部隨機堵禦賊潛上則發礮石擊敗之相持三
十有九日訖不得志拔營去又詢賊騎聚於楊家砦以忠偕勇士
斫其營大敗之殲其渠幾盡遂大舉西向克復邑城僞主田助公
敗創遁四境謐然諸公之有功於吾邑也如此吏部既復邑城全
師趨德安白旺聞之恐使其弁僞降吏部不疑置弁營內夜開門
納賊戕義士徐從先等三百餘人吏部被執脅以降不屈死而黃
土寨之役賊伏騎以邀義師華君美徐應玖等盡遭賊害夫申酉
之際高官大爵覲顏附賊者何可勝數諸公等為國忘軀血膏原

野死事之烈又如此令天下昇平十洲澄鏡我輩仰父俯子士讀
農耕日歌帝力於何有孰知勝朝鼎革之會祖若父之奠居斯土
不至流離殘創者皆大義諸公血戰力鬪之所致也哉請顏其額
曰大義祠而詳書諸公官爵姓氏報祀庶合古者勤民社祭之義
眾曰諾不三旬而廟成擇日奉主屬增為文記其事且作歌以侑
神焉歌曰山之阻雲油油諸公來兮駕赤蚪山之岑雲冥冥諸公
至今建霓旌薦荔丹兮羞蕉黃千百為羣兮進公堂非邀公惠明
休祥祖宗食德孫難忘公語民兮聽吾教為臣思忠子思孝見危
致命刃可蹈彼降賊兮徒貽笑酒三巡兮公應醉迴
靈旗兮返雲旆生捍難兮沒為神佑皇清兮億萬世

節義祠在董孝子祠右咸豐九年邑紳徐恆捐建

黃陂縣

社稷壇在城北一里仙侶臺上

黃陂縣志

先農壇在郭外東北隅

漢陽府志 籍田每歲額徵穀三石五斗

神祇壇在城河南

縣志 乾隆府志作大東門外東寺畷

關帝廟在城隍廟左

嘉慶志 縣志作縣堂東

康熙三年知縣楊廷蘊重建

縣志

志二十八

建置四 壇廟

七

文昌宮在縣署西鐵鎖潭墩上明知縣胡仲瀾建

嘉慶志

清同治十

年知縣劉昌緒重修

縣志

城隍廟在東城內

嘉慶志

明洪武間知縣楊啓予建神姓張名松明

太祖鄱陽之戰有助順功洪武二年勅封顯佑伯建勅書樓賜擎

天柱二歲於常祀外增多七月十五日一祭至今率之

縣志 神屢著

靈異光緒八年巡撫彭祖賢具奏奉旨加封昭孚

檔冊 彭祖賢疏略竊據黃陂

縣知縣林瑞枝詳據紳士宗汝彬等稟稱該縣城隍廟暨木蘭山
神廟均建自前代載諸志乘每遇地方災患祈禱必應靈爽素昭
咸豐八年秋鄰縣飛蝗蔓延境內鄉人詣廟虔禱蝗過之處僅囓
樹葉野草禾稼毫無傷損同治六年春捻逆竄境城甫築就設防
外無援軍人心惶怖該逆偵知乘夜掩襲迨至城邊城上開炮賊
即退散有自賊中逃出者述及夜見城上有古衣冠修髯偉人張
蓋指揮賊目因而怯退此實靈異顯著功德及民又邑北木蘭山
形勢崔嵬層巒疊嶂山上向有廟廟相傳係貞烈女木蘭代父出
征有功老死閨閣葬在山北凡遇水旱疾疫有禱輒應同治元年
捻逆竄擾鄉人築塔於山避居其中工未竣而賊突至正危急間
忽有紅雲數道人繞塔山塔威遂不敢進數萬生靈賴以保全四年
冬賊由麻黃竄入縣境是時各鄉男婦上此塔者如蟻賊旋即率

隸北竄有被擄逃回者云賊因遙見山上有旌旗簇列一人盛甲執矛指揮故不敢近山折回西路而去其實岩中竝無旗幟此皆仰賴山神呵護者也茲值寰宇肅清人民樂業追維神祐祈報情殷稟請轉詳奏乞救賜封號匾額用答神庥等情由湖北布政使王大經核詳請奏前來臣覆加訪察竝調核黃陂縣志內載木蘭山廟宇墳冢與該紳所稟無異查例載各直省志乘所載廟祀正神實能捍災禦患有功德於民者由各該督撫題請勅封封號等語一則拓民護國馨香早荷於熙朝一則代父從征姓氏久垂於史冊湖自狼烽不靖禦災叨默贊之麻卽今麟字久安報德冀崇褒之典核與定例亦屬相符合無仰懇天恩俯準將黃陂縣城隍神暨木蘭山神分別賞加封號頒給匾額竝將該縣木蘭山神廟列入祀典以昭靈貺而順輿情

真武廟在木蘭山

據明張鵬記增

蕭公廟在縣西城外久廢今合晏公為一祠在小南門城內

嘉慶志

縣志

雙忠祠在縣東祀張巡許遠

嘉慶志縣志

東嶽廟在縣北十里

嘉慶志作郭外一里

縣志

志二十八

建置四 壇廟

文

二程祠在魯臺山麓祀明道伊川二公明景泰閒同知蔡綬建

縣志

劉觀記云兩程夫子祠歸然如此人所傳者臺曰望魯亭曰雙鳳池曰聰明然先朝碑碣歷世變故靡有復存故往往謁拜亭下者多莫詳夫子何為如此觀因假息祠側彌久進瞻睥睨容退懷懿德開乃竊考於朱子嘗言大中公天聖中初任此黃陂尉秩滿不能去而遂家焉實以明道元年壬申生子曰顥又以此明年癸酉生子曰顥後十有餘年當慶曆丙戌丁亥之閒復貳南安乃得獄椽周公某而與之遊於是二子因受學焉諸儒倡壽是言於石以昭示夫來學俾以考德之不難也觀因是之故復舉子朱子恆言明道伊川先生之學以大學語孟中庸為標指而達於六經使人讀書窮理以誠其意正其心修其身而自家而國以及於天下其道坦而明其說簡而通其行端而實蓋將有以振百世之沈迷而納之聖賢之域噫斯言也足以表乎兩夫子之學之道之德業正大光明如日月皎然當與天壤俱矣試讀而能心得之不惟足以慰二三子資父兄師長勒石之勤劬併足以成化閒知縣鄭寅定春答方來源源謁拜者聞風覲德之倦切云

秋二祭 縣志 正德三年提學陳鳳梧改額曰二程書院祠祀如故 據陳

記增 陳鳳梧記云宋興百有餘年文治休明於是河洛之閒負儒出焉以續千載不傳之緒二程夫子是已先儒謂明道如顏子伊川如孟子夫顏孟亞聖也生不同時出不同地千載而下景仰之者如景星鳳凰有不可得見之歎况兩夫子出於一門其時同

其地同其道德同豈非天地氣化之盛積累而至於是有非偶然者耶考之明道始生之年為壬申實仁宗改年號曰明道若相符契者次年癸酉伊川生焉天啓斯文之意蓋昭昭可見矣程氏世家伊洛自大中公少侍其父適合黃陂及遙卒大中公始冠苦族眾無產遂家焉既而補黃陂尉秩滿不能調閒居安貧二程夫子實以是而相繼生其地則今日之程鄉坊是也古今聖賢之生不實自其鄉者有矣宣聖曲阜人也而生於昌平之亂邑文公新安人也而生於延平之尤溪蓋皆以其先世宦寓而言與程夫子實同也而揆天地清淑之氣無往不在則亦無往不鍾豈拘拘於是哉宋淳熙間李誠之知黃州嘗祠二程於學宮文公先生實為之記而黃陂之祠久未有能立者至我朝景泰間同知蔡綬始即其地而改建祠焉天順癸未僉事沈靖復建雙鳳亭成化己丑知縣李恆改舊祠為享堂鼎建新祠於前高廣倍之繚以周垣樹以松柏而規模稍稱壬寅左布政使鄭時因師生請乃定著春秋祀典復檄邑建戟門左右廊弘治辛酉推官羅翰重建大門及修補做陋制益備邑士子知所嚮慕者往往講肄於其中鳳梧不肖以乙丑奉明詔來典學事行部至邑祇謁祠下瞻慕者久之正德戊辰年得再謁焉願惟是祠實二程倡道之所始而後人亦借重以為藏修之地遂易扁曰二程書院得前副使今同知黃謝君朝宣大書揭之與濂溪南嶽麓石鼓諸書院並稱而祠祀如故擇士之有志者俾讀二夫子之遺書籍得官田五頃五十七畝三分歲取其入以充修葺教養之費其左廊口坐春右廊曰立雪則今知縣陳傑所重構而教諭楊樑所取名者也楊樑開率訓導曹軒及諸生來請曰自有祠以來漫無文字可考今改為書院而記尙可缺乎鳳

志二十八

建置四 壇廟

充

梧則以二夫子道德之遠且大者文公記之以詳而亦立之石矣不肖復何言惟書院修改之顛末則不可以不記也遂為書若夫望魯臺聰明池雙鳳亭及諸故隆慶閒知縣景和復建堂於後祀跡則志已具載茲不敢復贅云

大中公珣 縣志 王霽記云宋兩程夫子祠舊在魯臺山西澗我林古木喬翠有舞雩風景世傳二先生傍花隨柳處自嘉靖初年修葺迄今四紀牆圯棟橈將鞠為第墟而理趣林地為民侵隱闢為蔬園鄉人咸惜之隆慶肇元簡賢綬民我邑大夫蘇侯以大司諫來合是邦興廢補敝百度維新是春仲穀旦禮祀於祠目覩傾仆歎曰此有司之過也遂置謀厥心經始計費多方措貲庀材鳩工不勞民力拓而新之又謀於余曰二程夫子之誕於黃發祥湖源當祀其先公如鄒魯崇祀之典况大中始尉是邑厚德美政雷思百世篤生賢哲鍾靈有自乃今崇祀二夫子於祠而汎祠大中於名宦無乃不可也於是特建一堂於殿後接以過庭以相通焉名曰啓賢以祀大中大夫計正祠一啓賢祠一講堂一廡楹各十門二重巒垣環峙歷夏徂秋踰兩季而工萃圮完隘闢不獨廟貌之巍煥改觀而理趣林之故地咸復舊疆計周圍一百七十八丈五尺黃之人士奔走欣歎翕然咸起道學之念則是舉之有益於名教誠大矣哉邑庠師友胥來請記嗚呼二程之學天下之正學也海外異類猶知敬慕况其鄉之人乎凡業儒者皆知遵向况其士之官乎夫鄉人之景慕也其情同有司之崇尙也其心同宜乎祠之恆新也二夫子之沒今且五百年矣而祠之興廢不一且夫子之道有時或窮斯民秉彝好德之心容有時而或泯哉蓋亦存

乎人焉爾慕其名而崇之者僞也祠之所以廢也有其實而崇之者誠也祠之所以興也今邑大夫蘇侯實敦正學在家庭則純孝友任諫垣則進讜論為邑令則清慎愛人歷歷可紀其崇奉先賢非崇其名也信之篤而師其實也是祠之興豈偶然哉將俾黃之諸士莫不感發砥礪撤利欲之藪探道德之源望闕里而修實行出躋聖朝贊揚休烈覃及黃民亦知自新存誠敬以養其性則魯山之陽澗水之濱彬彬如河洛矣是則蘇侯之所以望於邦先者敢不昂諸蘇侯名景和字元淑蜀世家也并識之以永聞焉

後經巡撫李楨知縣王明舉縣丞馮敬安修葺明末盡燬清順治間學政王爾祿建祠於學左旋圯康熙五年知縣楊廷蘊與縣丞李成紀捐廉於舊址重建增祀開府公通

縣志 楊廷蘊重建祠記云世稱二程夫子必云河洛蓋河南程氏自宋以來所共傳也予家龜山公嘗立雪程門其稱二夫子者最悉亦未嘗一語及破自予承乏是邑乃知邑有程鄉坊為二夫子懸弧地因歎從前稱二夫子者殊未詳其本末也後登魯臺見一古碣橫臥山間拂拭視之則為考亭朱子二程祠碑記益知二夫子嘗讀書此山築臺望魯故名初建祠學宮朱子記之後復建亭祠於山因以朱子祠記移勒於此頽而復修者凡幾明末亭祠灰燼惟碑存焉予悵然久之亟欲修復會兵荒相繼耿耿於中近得同寅李公泮志復古雅有同心乃相與捐俸庀材卜吉鳩工度其故址悉為鼎建於中廳祀二夫子後復建啓賢堂祀大中公珣又進一室祠司空公通蓋大

志二十八

建置四 壇廟

三

中公與司空公皆曾蒞陂而有造於陂者不可偏廢故并祀之則視舊祀為加詳矣於山椒建雙鳳亭前後植桃柳二千餘株以仿前川傍隨之勝陂民踴躍將事不日告竣凡曩時臺祠花柳悉復舊觀亦與朝鼎新之勝事也嗟呼二夫子之還洛也猶曰吾夢寐恆在西陵是夫子未嘗一日忘陂也夫二夫子不能一日忘陂而謂陂能一日忘二夫子乎今建祠而上及大中公與司空公合祖孫父子其祀一堂儼然當日聚首西陵之况應亦二夫子所甚慰也二夫子雖廟祀徧天下而陂為生長之區寐寤往來之地千百世後猶共仰之則魯臺片席安在

曆雍正乾隆嘉慶道光朝知縣胡國選邵大業沈孟堅陳銓陳增慶韓維鏞相繼修

縣志

木蘭廟在縣北七十里

遼東巡撫張濤奏請重建

嘗之儀有湖廣省黃州府黃陂縣木蘭山乃真武修鍊之所唐節度使朱異家於其下其女代父出征功封木蘭將軍啓建祠宇於其上竝立真武廟貌世遠年湮香火頽廢臣叨生茲土感將軍之貞烈沐真武之威靈意欲捐貲未敢擅便伏乞陛下念真武功在國本將軍勳立唐朝臣得以重修鼎建一以

安慶等卽山之祈嗣頂建承歡祠

縣志 張安慶記自來奇忠純孝光宇宙耀古今者其德徽必

有所由始而崇奉必及其所由生况巾幗英雄以忠成孝如木蘭
將軍其能已於上祀之典哉將軍自明開府張公濤奏請立祠俎
豆馨香已垂不朽而其報本之禮固猶闕如也同治壬戌先君子
與宗舊園封翁燕推堂茂才稟設臺講約嗣宗封翁與邑諸生倡
建自新堂與諸善舉凡忠義節孝之有關風化必公請建坊入祠
焉去年秋李君鵠丞楊君西岐黃君景蕓與余講約之木蘭山
中露焉土人告余曰此祈嗣頂也即木蘭將軍父當日祈嗣處也
余記之次日偕同人往遊至則蘭若塵清佛龕篆象內一椽供奉
將軍與在山半者無異余慨然曰將軍父母所祠而將軍今將奉
香火不絕不聞有壺酒隻蹄為將軍父母所祠而將軍今將奉
心殊有未慰昔宋賢兩程夫子誕降於茲載在祀典既已暨及其
親以後例前將軍亦宜然借遊者咸是其言歸商構園封翁翁曰
此堂中賁也近來忠孝節義由堂中呈請表揚者不下數百獨不
能為將軍父母建一祠以慰將軍孝思乎陳君星海聞之踴躍贊
成同前遊覽諸君暨袁君端甫再登山頂經營其事相與邀張君
福波張君仍房游君金階潘君竹屏籌贊建祠於所廟頂正殿一
楹中奉將軍父母像將軍側坐兩童侍焉左右兩廊一奉從軍七
將一作馬房基接古佛殿之後顏曰承歡祠於是年十月鳩工庀
材至臘月告成邑之人稱快而將軍在天之靈庶無歉矣嗟乎將
軍行在倫常事由至性為天下人所當矜式即天下之人所當敬
奉儻得當事奏請於朝俾海內建祠奉祀則邀綸音而孝德愈彰
祠發揚而觀感亦眾是光緒八年巡撫彭祖賢具奏奉旨加封顯
祠發端之始耳是為記

志二十八

建置四 壇廟

三

應列入祀典

檔冊 彭祖賢疏 略載城隍廟下

李公祠舊在西城外明萬曆丙午年建祀明知縣李應先崇禎九

年寇燬明年知縣周元泰同邑中士民等復建於城中後街

縣志 碑

記略曰邑侯李公諱應先號伊蒿福建南安人萬曆壬寅年二月
涖任至丙午六月陞雲南陸梁州知州士民思之建祠於邑西城
外孔道間歲丙子寇燒民舍延燬士民不忘復建祠於中後街公
館之前歲丁丑邑侯子諱銓臺萬曆丁未進士歷任湖廣方伯過
邑祭奠憫士民重建之意捐俸六十金酬之士民仍以所捐置產
若干以為祭祀修祠之費恐其久而湮也故鐫之於石以垂不朽
清咸豐四年復遭兵燹邑人請於知縣孫繼祖捐貲修復

祖有 記

沔陽州

社稷壇在長夏門外自南紀門外遷建沔陽志光緒時改建江北里

先農壇在營房院

州志 籍田每歲額徵 穀一石一斗大麥五斗

光緒時改建七里城

神祇壇在州南郭分風雲雷雨為一壇山川為一壇風雲壇廢

州志



光緒十九年知州俞成慶捐貲改建南紀門外文家臺州志

厲壇在漕河里後楊家院州志

鄉厲壇今廢州志案明時各鄉皆設

關帝廟在州東嘉慶志州志建自明沈友儒記云蓋聞世道之

所寄以維持者亦惟其大防大法焉耳君臣之分有大防焉順逆

之際有植綱常於萬世非忠義之士奚屬哉漢至昭烈炎光寢微

劉氏之不絕如綫而昭烈之勢敢於侵犯而不顧所忌以敵焉者侯

也請婚納資圖成鼎足之勢守臣節毅然而佐昭烈興復漢室為

已任是故統莫正於劉氏侯恪守臣節莫重於君臣侯急之惡莫大

於權奸侯折之罪莫甚於侯侯扶之義莫重於君臣

綱大紀實於是方昭烈之西也侯仗節獨鎮江陵拒吳魏之

衝侯攻襄郡降其縣十數自許以南往往遙應操稱善兵議欲遷

復之勢成矣嗚呼孰謂吳侯一軍向宛洛一軍攻秦川恢

大統權裂漢土而王之昭烈君臣始謀不集乃偏安於蜀憂勤經

思欲起侯而多所激發使天下後世知國統之正知當時而人心之忠

義知所當急權奸之惡知所當折僭竊之罪知所當誅大法昭而

大防不敢踰謂侯有功於萬世之綱常非與彼吳魏之臣各忠其

主亦有濫祠其土者迄今皆祠社撤邈有聞焉則統系之邪正

民志之從違係之勢力誠不足恃矣侯河東解人也荆蜀間多侯

積官至漢前將軍壽亭侯而州人奉祀惟謹侯之靈固有其舊侯深於

大義者也正名侯志焉因書及之予敬仰侯之忠義沔余謫所也

侯廟近州治余時得瞻仰乃為之記並余以詞之曰侯之來兮夷

猶邇雲中兮歷九州覽山河兮如故慨中國兮悠悠鄴中兮江左

彼何人兮敢汚吾土此萬騎兮征忽返顧兮千古侯之去兮荆

之野紛旌旆兮來天馬貌洋洋兮鬚如戟面如赭揚漢靈清咸豐

兮耿無方奄四海兮為漢疆驅厲兮降康我民祀兮不忘清咸豐

四年燬於賊旋修復別廟一在茅埠一在七里院一在郭家河一在牛扒濱河一在高家老院一在王家灣一在彭家場舊為三義閣同治四年附貢生向葵改額麟經閣又成鄉有上中下三關廟仙桃鎮北有春秋閣州志文昌閣舊在城東南孫公祠後福星山禹殿鰲記云沔舊有文昌閣由來久矣康熙丁丑戊寅間前刺史晉公倡修工未竣而過於高銳震風所撼輒復毀地予承乏牧沔之三載率多士課藝於廣長蘭若門前池水淪漪如

志二十八

建置四 壇廟

規如玦可數十畝南有臺岫崑聳峙據孫公祠後可以登眺詢之
衲子曰此文昌閣舊址也信步躡其上則斷礎頽礫荒煙淒草求
所謂峻嶒傑閣者杳不可得憶予少時先大人督課下帷濡首一
編嘗欲破萬卷書網羅千秋秀搜遠紹期他日側身承明著作之
庭爲文學侍從之臣後果謬叨解首國例凡鄉薦領元者一捷南
宮卽授館職讀中秘書竊自謂金馬之門木天之署特意中事耳
無何而屢躡春宮乃慨然遵例就選荷先帝簡拔發楚北試用上
憲謬許以能檄司沔沔沮澤之區也土磽礧而俗浮夸積逋累
萬官斯土者受考課之累多淹久於此予蒿目棘手若涉春冰幸
蒙國家鴻庥比歲大有維正之歎頌者積漸輸將予又爲之力請
於方伯連帥拜疏入告第釐田賦使民有薄斂之樂無冤累之苦
將所謂興利除害可次第舉行而顧念當年之文昌閣忍令其滅
沒終古耶蓋文昌星屬斗魁閣居沔巽方東南之地脈至此而凝
固盤曲青鳥家言謂爲文筆峰主文明之象亦與長吏之文治相
關不爲之鼎新建立文治何由而翔治文風且衰靡安望士類之
雲蒸豹變拔茅連茹哉於是首捐數千金構材木而樸斲丹雘之
紳士余之璇等復倡議助修閣城而簷宿古雲窗涵天影上而星
漢可窺下而淵澄可鑑巍巍稱巨觀焉內供文帝金像莊嚴璀璨
儼乎明威有赫陟降庭止豈比乎尋常之招提耶予暇與寮佐諸
君及郡能文之士講說會課傳觴高會於其中以此復古制則依
然昔日之佳勝也育英才則士子垂天之翼於此發
軔焉亦差足愜予之素衷也已乃載筆而爲之記
嘉慶十三年

志二十八

建置四 壇廟

三

移建城內士灣別廟一在沙鎮一在仙鎮襄河南舊名雲臺山古

寺一在何家場同治十一年庠生張開德王家鳳等公建一在接

陽里明萬曆時迴龍寺故址也清道光十一年燬於水咸豐十一

年重修改祀文昌一在彭家場同治閒附貢生向葵等捐建一在

沙鎮李之幹李肇瑚捐建一在新增里一在郭家河一在牛扒一

在蓮花院一在戴家場一在北鳳凰河口道光時李一源子先甲

先後募修又敦厚崖長埧口灘外皆有文昌廟州志

城隍廟在十字街舊在州西南兵燹遷於東北明洪武初移置今

址成化正德崇禎閒先後修葺嘉慶志清州紳余之璇謝載隆及貢

生王鐸前後捐置祭田州志

旗纛廟在衛後嘉慶志昔建旗纛於此今祀衛守備王芳州志

伏羲廟宋紹興十二年知復州焦惟正建據宋胡寅記胡記云

祈非仁與智孰能與於此哉德莫隆於五帝而庖羲爲首蓋三千
餘歲於茲矣景陵廟記未詳肇始考盛德之所建萬世衣被則有

澹宕助我文思者良多夜間挑燈展卷梵音佛號喇喇朗澈若與書聲相酬和時而散步寺外則月挂高樹影映寒潭輕儵擲於白蘋間鷗衝乎素波而漁歌欵乃乃愈覺清絕迨夫元冥司令朔風怒號六花飛絮積深數尺林野四望琉璃萬頃斷橋奇景諒不殊斯是時飛鳥絕迹人影不到一二老僧高臥竟日或撲被擁爐呵呵而栗余誦習不輟自覺別有冷趣並不知盛寒之切體而精神倍壯蓋人以爲寥寥者吾以爲紛紛塵境之樂要在人善領之耳除夕前五日始歸迄孟春之上九復至見往來遊士少長相攜笑語譁然先後綿綿不少閒晚來默坐淨几聞金鼓花爆聲如雷出而奮如兵敵而閱晤然兩耳屢徹通霄而余乃以竟聞之野浮屠之宮獨攜一卷歌泣自如真不啻聳身雲端俯視下界者已居無幾袖子以故遷余亦舍去然前所已歷者固已曲盡幽賞至今猶時形寤寐也不爲之記其一在西方件樂里舊爲東嶽廟嘉慶十五年改作泰山寺州志

水府廟在漢津橋外嘉慶志

今廢春秋仲月上戊設位城隍廟祭之

別廟一在呂蒙口濱江一在洋子五院一在余家場一在小林里

州志

馬侯廟舊在州西五里祀漢伏波將軍新息侯援嘉慶志明洪武三

志二十八

建置四 壇廟

三五

年郡衛增修歲久頽圯正德間知州李濂重建嘉靖間知州王崇

文改建城北平政橋東去州治二里許州志梅山同知沈友儒

建平政廳於前清乾隆三年州紳謝載受載隆捐修旁附邑紳謝

世則祠州志禹殿鰲有記不錄

諸葛武侯廟久廢址存州志

狄梁公祠在仁風門外崇禎十一年燬於火州志

二程子祠在城內賈家祠咸豐四年燬於賊同治末奉祀生二十

九世孫程烈光徙江北里唐家口河北州志

李公祠在仙桃鎮祀明荆西道李佺臺州志許一中記云夫民

夫爲已祛害者也若夫未及已之害大而祛未及已之害厥功偉匪表微彰隱弗克見焉郢自肅皇帝龍飛茲郡遂與畿輔比重屬邑七沔幅最闊首尾郢襄江漢而咽喉呼吸其間者沔之仙桃鎮也鎮其郢南隅一藩蔽乎沔壤繡錯環繞潛景併監利嘉魚漢陽漢川諸邑包裹巨澤鼓柁揚帆輒可數百里樵漁稱便他郡歲凶饑民多就食焉故不肖者易生心其間而未有嘯聚百千弄兵白

書如是披猖者也鎮民商旅為生賊從任嶺湖出盧家口則帆檣
上梗從赤野湖出繫馬口則舳艫下塞咆哮震動將數千里鎮民
坐而中稿耳觀察李公至性天植難鉅自任其深智微略人鮮能
測然總以發抒豈弟而止安陸西護陵寢焦勞於芻糧器械間顧其
心未嘗朝夕忘此寇也一旦肅清山谷兵指荏苒符鎮民洵洵畏兵
甚於畏寇或挈妻子以逃公聞之謂兵擾民吾有軍法在民駭兵
此非可以制之也是夜遽離署躬親詣鎮慰諭父老宣示子弟傳
布遠邇兵民悉安堵焉公於是畱鎮不復之署網懼漏而玉憂焚
心良苦矣夫茲遊釜魚耳豈足難公獨是窟宅盤據之外以必濟
不習官兵不敢問必別作一番驅策出虞詔三科之外以必濟
此則殊費公籌畫耳速旬日外盜賊忽就縛矣四塞魁黨各盡就
縛矣刀劍驟解眠皆帖席民有誦聲公無喜色謂是盜亦民也不
為民而為盜盜能無矜與自是商貨流通鎮民蘇困夫一朝起數萬
生命全活之尸視其容已哉而不啻此也嗣是流寇復熾公既平
水寇以是得無西顧之憂使先不剪此陵谷藪澤聲息偶通赫赫
鐘簾且以腹背受警鎮為賊門戶害胡可指數言哉語云萌蘖不
剪將尋斧柯使至今日斧柯而已耶然則公功先帝祖宗實憑之
其餘澤則鎮民先食之也雖然非其全豹也北氛未殄南脂已竭
既病肢體復患腹心為此良極難耳我公誠以任數慈民行殺憂
也安得以天下為公唐郭令公宋司馬君實儔

孫公祠在仁風塔祀明知州孫衍建自明嘉靖間

志二十八

建置四 壇廟

三

採訪冊 案州志謂係崇禎十

二一年建與張治記不合張治碑記云余每讀孫延年哀慕錄未
嘗不廢書流涕悲其人之勤民以死也及今合沔陽事觀之則君
子之道其感於天人者深矣孫公諱衍字世延別號曰雪岑松江
華亭人成化戊戌第進士除知沔陽居江漢下流夏秋水漲
決裂為沱沙然成巨浸民處沮洳中然湖澤之利漉漫不可稽察
黠胥豪商相為軋沒業民捐瘠轉徙而浮居藉魚蝦葦菰自饜食
也公下車革暴振弱敷和惠生一之月簡訪鄉籍二之月完聚瘡
痍期月而病者起工而歸焉商而通焉貪者禁不能取吏弗為奸
而食焉虞而材焉起工而歸焉商而通焉貪者禁不能取吏弗為奸
四民輯然咸安宇下矣常賦有程期勾檢奇羨而待貧乏不能輸
者自是民歡戴於慈母嚴父召杜不之過也政餘則集郡校之賢
子弟親課其業一夕屏騶馭入學舍察諸生勤惰見籠燭焉問之
曰陳學官出巡號耳公翌晨昇膏油二百斤來助燈火費曰師生
能勤礪若此是舉吾職也沔由是彬彬然多文學士矣六年遷南
京刑部員外郎去之日老黎垂泣以送公亦為之感動賦二詩道
忠信焉正德中有司奉公神入祀名宦而民思公者久之益不置也
乃謀更祀公嘉靖王寅監司池陽柯君常而民思公者久之益不置也
民因請以其前隙地創公祠柯君曰是民之義而吏之表也其誰
敢後之乃命知州王君崇文即臺構堂三楹翼以兩序前為儀門
又前為大門題之曰遺愛民老幼咸忻然走集其下供俎豆也
祠成公仲子少宗伯毅齋適奉命告事顯陵取道於沔遂即新
祠展謁焉沔之老若縉紳士咸趨而觀曰是嘗從孫公官吾沔
者也仁人有後豈不信然哉崇文乃以丙方童庶子狀驛使都下
丐余記其事余惟祠者思也思其人祠祀焉者也昔聞公之守延

平也以禱雨走暑中得寒疾而死延平之民則哀而祠之夫沔之
去延平遠數千里而成化至於今垂六十載矣民之思公者無間
於遠近今昔若謀而同焉此豈有政令徵發期會哉信之所通人
各由其誠以趨所慕欲如水之於下不召而自來豈非感應所符
而自然之驗耶故曰君子之道其感人也深矣夫延平之民猶夫
沔之民也天下之民亦猶夫延平之民也向使公得究其志於天
下則然公之身雖不能振於有位而能使其民廟食百世公之施
道耶然公之身雖不能振於有位而能使其民廟食百世公之施
雖不能究於其極而能使其子食報於無窮天道之微豈不昭昭
然可窺測哉余故為之記俾刻石祠下使後此思者或觀而興焉
詞曰維沔之陽兮為公所理惟沔之民兮思公不已瞻彼新祠兮
老少咸喜歲時報祀兮俎豆牲醴彼時者山兮彼流者水維公之
神兮其戾止慰我民
之心兮宜祀百世
崇禎十二年增祀林濟張宏宜袁福徵額曰
雲間四公祠州舊志十六年賊至三公栗主失遂止祀孫公州志

八公祠祀明知州孫衍徐咸徐待任清知州王浩冲黃學懃晉顯
槐禹殿鰲紀□□祠久圯今在城隍廟設位合祀州志

徐公祠祀明知州待任在仁風門外州志
應公祠祀明知州汝稼在仁風門外州志

志二十八

建置四 壇廟

三

郭公祠祀明知州僑在仁風門外並燬於火州志

章公祠祀明知州曠一在仁風門外有藏書閣一在沙鎮州志

祠記云昔先王之制祭祀也法施於民以死勤事則祀之能禦大
災捍大患則祀之沙鎮舊有章公祠祀明知州章公峩山以明州
同馬公雪如配家丁石秀馬旺從嘉慶辛酉先君子偕田龔兩先
生倡首復修請增祀國朝知州禹公謙齋祠凡三進中供章公
主左馬公右增禹公從祀及石馬二君仍舊額曰章公祠云謹案
章公於崇禎十一年刺沔時寇亂猖獗征徭繁苦羽檄交馳公築
地濬河蒐練團兵招募義勇備儲米穀器藥為守禦計癸未正月
流賊充斥城陷公與馬州同日修戰守備三月四日闖賊率大
隊數萬攻城城陷時賊亦破武昌大肆殺戮三月四日闖賊率大
舟往來乞師於總兵漸次恢復沔境京潛諸州縣未幾左良玉兵
變公與楚撫何於公騰蛟募兵長沙連克捷累陞至右僉都御史兵
部右侍郎後卒於永州順治十五年公喪過州州人不遠百里持
香赴奠立有公生祠一在州城仁風門外一即沙鎮此章大夫之功
德宜祀也馬公以崇禎壬午任沔州同次年正月闖賊破承天公
與章公齧血誓守奸民張僞檄者斬之三月賊自承天發銳卒十
萬圍境公迎河邀擊賊至益眾公下馬奮呼家丁數人背合與賊
戰矢盡力竭不屈死家丁石秀馬旺不忍去從死之賊退州人得
公屍於城東門外蓮花池旁披髮拊手若含笑者二家丁屍亦在
焉事聞贈馬公漢陽府太守追封家丁百戶康熙乙巳其子元愷
啓殯易柩顏色如生此馬公之功德宜祀也禹公以雍正十年牧

沔沔最疲劇地卑涇荒遠難治一歲或數罷官諸吏憚之公甫下車首察隱官累民田賦淤場有無虛實之故遂約紳士誓於神而

以清丈條款請達部議允協發四十餘員丈出田實溢一萬一千餘頃均稅仍足原額五萬一千餘兩之數三年考厥成別其高下

肥瘠分爲五則相其中外分爲五鄉百里著於冊又慮事久更章

聲明河陽地處低窪一遇水漲沈淤靡常嗣復於沈許隨時詳報

陞除抵補足額均荷上游入奏允行並探載所輯州志垂示將來

楚蒲張白蕤叙公墓誌稱公大有造於沔蓋指清丈均稅故也田

賦定議築江隄開蓄水道倡修文廟書院課諸生於文昌閣立義

塚於沙湖鎮廢弛日舉去之日民皆刻石記功特詔擢黃州府太

守乾隆七年大吏題陞施南司馬未行卽奉 特詔擢黃州府太

數往問獻於黃越三年公病革始辭政又明年正月卒黃人墮淚

勒碑赤壁山復請有司崇祀名宦祠並奉其主世祀河東書院沔

人皆奔黃治喪二月柩還沔水長子壽丙辰舉人三子疇增廣生

此禹大夫之功德宜祀也若夫禮賢作士梳奸剔弊築黠蘇無

辜三大夫之所同者誠爲法施而勤事禦災而捍患矣彼石馬二

君仗節死義何可湮沒不祀耶祠之始建補葺重修前碑刻之已

悉茲復節錄梗概敬泐貞石俾後之覽者得詳知云○□□□記

牧伯章公者松江華亭人也崇禎戊寅冬知沔州事後歿於湖南

之永州忠勤風著所至勳業爛然吾嘗稽之往古國之興也必有

股肱之佐國之衰也亦必有經緯之才公在明季諸臣中以文臣

任武事力所能及勞怨不避其牧吾沔也下車卽隆學校禁賭博

免重役捐賑濟有豪惡害民則盡法勿赦大盜劫掠則定計剿除

志二十八

建置四 壇廟

三

至於築隄陞以修水利施義塚以瘞枯骨纍纍善政難以縷述公

嘗自言吾無他長惟愛民一念而已嗚呼此非昔聖人所言仁者

之所爲乎公既出任邑民思公德政相與立廟以歲時祀之崇

德報功出於人心之所甚願而非勉強矯飾所能爲也今歲月既

久風雨毀壞遺像傾剝起前人於今日當必有唏噓悼歎者此鄉

先生所以願爲振興而冀同人贊襄者也嗟乎公之去今日百餘

年矣余雖不及見公竊聞父老言吾祖居豫章遷蘇州以鄰郡兼

戚誼任沔時抵沙湖鎮必詣吾家與吾祖居豫章遷蘇州以鄰郡兼

誼錫以額曰景星樓余不敢忘繼乃得讀公文雄壯俊偉誦公詩

慄慄英風益以此愛公慕公而思公仁至義盡其遺愛爲無窮也

况更得瞻拜遺像識其面目也哉後之君子

與余同志常葺而新之則斯祠爲不朽矣

今廢州志

王公祠祀知州學璋在城隍廟左

禹公祠祀知州殿鰲在仁風門外

昭忠祠咸豐 年知州梁照建在三寶街祀衛守備王芳州判高

術方沙湖司巡檢吳秉忠張汝止以下陣亾及遇害男婦一千餘

人志

忠烈祠在仙桃鎮集城書院西祀咸豐閒本鎮死難紳民

魁星樓一在學門東有知州郭橋碑記後署任許惠一移東門外

蓮池湛虛亭上未幾仍移故處年久圯廢嘉慶十三年邑人葉會

瑤創建在仁和門城上同治元年圯邑紳周揆源等移建城外孫

公祠後福星山一在沙湖圓通寺前

王嘴其上有圓通寺前為大王殿後為大雄殿左則水府廟右則

百子閣劈分兩水砥柱中流蓋巍然河東一大觀也寺之始建不

知何代相傳明萬曆辛卯重葺之檢舊梁則署萬曆壬寅重修

後於牆基得古磚一刻嘉靖壬戌則壬戌其始建之年耶不可得

而勝也始相顧有難色為大息者久之及乾隆庚戌寺僧廣益以

存勝概俱相顧有難色為大息者久之及乾隆庚戌寺僧廣益以

然募化始權祠宇樓神因前隙地作小魁閣迨嘉慶己未秋田君

鴻緒之子少南益先志糾首於是好善之士其量輸得數千金監

修董者十餘人先建佛殿一座東西書房各一中建魁閣文閣高

五丈餘左右百子堂龍王廟皆以次規復始庚申三月迄壬戌十

月造竣適與嘉靖壬戌之年相符豈非天欲復興斯寺人心默受

馳使而不覺耶抑吾更有異者圓通寺自古無魁星閣也乾隆庚

戌始建小閣未恢宏也茲則聳然特立煥然維新而近來聖天子

尊崇文昌飭府州縣皆建祠廟春秋祭祀禮同武聖又適在沙鎮

魁閣落成之歲非天之佑啓人心敦能預知朝廷之尊崇而早為

之創廷也哉昔鎮北有紅土院復挽於庚戌今鎮東有圓通寺與

志二十八

建置四 壇廟

无

魁星閣復修於庚戌衣食足禮樂興雖堯舜三代之盛不是過矣

生斯地者宜何如自愛耶敬書於右匪惟誌其廢興抑所以動人

觀省也知州葉治記去河城東百餘里曰沙湖子嘗以公事至其

地有魁閣焉巍然立於隄上棹舟登眺其閣臨水有二道其南

流已於北流與太白湖通嘉慶癸亥沙湖土民以非徒息催科撫

予誌之以繼前觀以勵後人夫天子命刺史於下非徒息催科撫

字已也蓋將修庠序敦詩書俾斯人孝弟力田相與睦淵任郵以

廣教化而美風俗至其山水蟠結之處或構榭而亭或崇墉而寺

創於前修於後凡有關於風俗教化者刺史又皆樂為而弗之禁

且斗魁戴冠六星曰文昌宮魁下四星曰三台司命司祿屬焉所

以扶教化培風俗也自天子以至四民皆得祀祠而不潔其庭焉

其宮何以妥神靈而庇風雨然則斯閣之成祠而將以觀教化之

廣與風俗之美也豈非予所津津樂道者與抑余有勸焉有戒

焉是閣也居河中流離市廛遠囂塵鄉道與抑余有勸焉有戒

道論學於其中必有光明端慤之士相繼而起庶可為朝廷棟

廢圯已久嘉慶五年已哉又劉楷之州守葉公為之誌舊有魁星閣

先君子到鎮闈闈之廣夏高樓波委雲屬四方者肩相摩踵相

接也每中節後祈神演劇邑人士之齋集四方者肩相摩踵相

有屢書醫卜星命之徒張募閣下而其翊隙地則承平日久大

喧闐遊覽者殆無虛日嗚呼在鎮諸君子以累日辛卯閣於陳設

歷年所蕩為邱墟今年冬在鎮諸君子以累日辛卯閣於陳設

址命匠氏鼎建而重修焉夫閣之建也其義有二以振士風則借

天文以耀人文而雲蒸霞蔚之才起以成農務則控江水以禦漢
水而懷山襄陵之患平意固閑且深也豈侈游觀已哉雖然自粵
匪之滋擾也士匪所在蠶聚常曠數百里無人煙而沙鎮及鎮屬
廬居亦數被殘燬喘息未定風鶴頻驚求一椽之庇一技之棲以
偷安旦夕且不可得有於閣之重建乃諸子於收拾破敗之餘
燧燧尙未盡爭波濤尙未盡息而已勃焉成茲盛舉復我舊觀
因以想人心之奮興與天心之樂育相感召斯閣之成行見三
時不害民和年豐士登於朝農慶於野昔之由盛而衰者今且轉
衰爲盛安知邑人士之廣集四方羈旅之由過與夫商船買帆之
停泊不又掩裳連襪相與徘徊閣上臨風把酒如疇曩時乎子老
矣猶將於春秋佳日等一葉扁舟臚棹閣麓偕諸君子攜
屐而登憑欄而眺而少時之景象仍與目謀也豈不快哉

志二十八

建置四 壇廟

三